



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

სტეფანწმინდის წმინდა ილია მართლის სახელობის სკოლა-გიმნაზიის სანიტარულ-ჰიგიენური ნორმების დაცვის წესი

დამტკიცებულია

ა(ა)იპ სტეფანწმინდის წმინდა ილია მართლის
სახელობის სკოლა-გიმნაზიის დირექტორის
ბრძანება №44 01.08.2024 წ



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

2024 წ

სარჩევი მუხლი 1. ზოგადი დებულება.....

მუხლი 2. სანიტარულ-ჰიგიენური ნორმების დაცვის პროცედურები.....

მუხლი 4. მოთხოვნები წყლით უზრუნველყოფისადმი.....

მუხლი 5. ნარჩენების გატანის პროცედურები.....

მუხლი 6. დასკვნითი დებულება



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

მუხლი 1. ზოგადი დებულება

- 1.1 წინამდებარე წესი განსაზღვრავს ა(ა)იპ სტეფანწმინდის წმინდა ილია მართლის სახელობის სკოლა-გიმნაზიის (შემდგომში - სკოლა-გიმნაზია) სანიტარულ-ჰიგიენური ნორმების დაცვის წესს.
- 1.2 წინამდებარე წესის მიხედვით განსაზღვრული წესები ვრცელდება სკოლა-გიმნაზიაში არსებულ როგორც საერთო სარგებლობის სივრცეებზე, ასევე სასწავლო და სამუშაო სივრცეებზე.

მუხლი 2. სანიტარულ-ჰიგიენური ნორმების დაცვის პროცედურები

- 2.1. სანიტარულ-ჰიგიენური ნორმების დაცვა საერთო სარგებლობის სივრცეებში
- 2.1.1. სკოლა-გიმნაზიის ფოიე და დერეფნები ყოველდღიურად უნდა დალაგდეს სველი წესით, სასწავლო პროცესის დასრულების შემდეგ. იატაკი უნდა გაირეცხოს, გაიწმინდოს მტვრიანი ზედაპირები (კიბის მოაჯირები, მაგიდები, სკამები, ფანჯრის რაფები);
- 2.1.2. ფანჯრები გაიწმინდოს დაბინძურების შესაბამისად, მაგრამ წელიწადში არანაკლებ ორჯერ;
- 2.1.3. საკლასო ოთახები უნდა განიავდეს შესვენებებზე. სასწავლო პროცესის დასრულების შემდეგ იატაკი გაიწმინდოს სველი წესით და მაგიდის ზედაპირები გასუფთავდეს მტვრისგან.
- 2.2. სანიტარულ-ჰიგიენური ნორმების დაცვა საპირფარეშოებსა და სველ წერტილებში
- 2.2.1. სკოლა-გიმნაზიის შიდა სანიტარული კვანძები უნდა აკმაყოფილებდეს შემდეგ მოთხოვნებს:
- ყველა სართულზე უნდა იყოს მოწყობილი ტუალეტები გოგონებისა და ვაჟებისთვის;
 - შენობაში პედაგოგებისა და სხვა პერსონალისთვის უნდა არსებობდეს ცალკე სანიტარული კვანძი დამოუკიდებელი შესასვლელით;
 - სანიტარულ კვანძებს უნდა ჰქონდეთ განათება და ვენტილაცია;
 - ტუალეტებში უზრუნველყოფილი უნდა იყოს პრივატულობა და დაცულობა.
- 2.2.2. საპირფარეშოში იატაკი, ნიჟარები და უნიტაზები უნდა გაირეცხოს ჯაგრისით სარეცხი-



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

სადეზინფექციო საშუალებების გამოყენებით, ეტიკეტზე მითითებული რეკომენდაციების შესაბამისად, ხოლო ეპიდსაშიში სიტუაციის დროს 30 წთ-ის განმავლობაში დამუშავდეს 1%-ანი ქლორის ხსნარით;

2.2.3. ხელსაბანი ნიჟარა უზრუნველყოფილი უნდა იყოს: თბილი 37-38°C წყლის უწყვეტი ნაკადით; ფიქსირებულ დისპენსერში არსებული თხევადი საპნით; ერთჯერადი ხელსახოცით; ხელსაბანი ნიჟარის ან საპირფარეშოს კართან მოთავსებული ნარჩენების კონტეინერით;

2.2.4. საპირფარეშოს კარების სახელურები უნდა გაიწმინდოს სადეზინფექციო ხსნარით;

2.2.5. სანიტარული კვანძის დასუფთავებისთვის გამოიყენება მარკირებული ინვენტარი, რომელიც უნდა ინახებოდეს განცალკევებით და დამუშავდეს ყოველი სამუშაო დღის ბოლოს.

2.3. სანიტარულ-ჰიგიენური ნორმების დაცვა სატრაპეზოში

2.3.1. სკოლა-გიმნაზიის სატრაპეზო (სამზარეულო და ბუფეტი) უნდა დალაგდეს მოსწავლეების ტრაპეზის(სადილის) დასრულების შემდეგ;

2.3.2. მაგიდები უნდა გაირეცხოს ცხელი წყლითა და საპნით, ხოლო ეპიდჩვენებისას უნდა დამუშავდეს სადეზინფექციო საშუალებებით.;

2.3.3. სატრაპეზოს იატაკი უნდა გაირეცხოს სარეცხი-სადეზინფექციო საშუალებების გამოყენებით;

2.3.4. სატრაპეზოს ჭურჭელი რეცხვის წინ უნდა გათავისუფლდეს საკვების ნარჩენებისგან, შემდეგ კი გაირეცხოს ცხელ წყალში სარეცხი საშუალებებით, შემდეგ გამდინარე წყლით და ბოლოს გაშრეს თაროზე;

2.4. დასუფთავებისთვის გამოყენებული საყოფაცხოვრებო ქიმიური საშუალებები და სადეზინფექციო საშუალებები უნდა ინახებოდეს სპეციალურად ამ მიზნისთვის განკუთვნილ, ჩაკეტილ სათავსოში, პირვანდელი შეფუთვით და არ იყოს ხელმისაწვდომი გარეშე პირთათვის;

2.5. თვეში ერთხელ უნდა ჩატარდეს შენობის გენერალური დასუფთავება.

მუხლი 3. ყოველთვიური და გენერალური დასუფთავებისას სტანდარტული მოთხოვნები

3.1.ა) კედლის და ჭერის გამანათებელი საშუალებების შუშების წმინდა შიგნიდან და გარედან, ნებისმიერ სიმაღლეზე;

ბ) კედლებსა და ჭერზე განთავსებული შემწვავ-გამწვავი სავენტილაციო და გათბობაგაგრილების სისტემის ცხურებიდან მტვრის მოცილება;



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

გ) კომპიუტერების, ტექნიკის, საყოფაცხოვრებო ელექტროაპარატურის, ქაღალდების, რბილი ავეჯის საფარის წმენდა;

დ) ფანჯრების წმენდა შიგნიდან და გარედან;

ე) იატაკებზე მოვლის საშუალებების დატანა (საპრიალებელი, კონსერვაციის, დამცავი, მაკრისტალელები ნივთიერებების გამოყენებით);

ვ) სამზარეულოს აღჭურვილობის (ქურა, მაცივარი, ჭურჭლის სარეცხი მანქანები, მიკროტალღური და საცხობი ღუმელები, სხვა ელექტროსაქონლის და აპარატურის) წმენდა და დეზინფექცია.

ზ) შენობის გარეთა ფასადსა და მიმდებარე ტერიტორიაზე:

- კარის ბლოკისა და კიბეების, სპორტული და სათამაშო მოედნების დაგვადასუფთავება, ურნების დაცლა, მათი რეცხვა-დეზინფექცია და ნაგვის გატანა, მისასვლელი ბილიკების სველი წესით დამუშავება;
- ფანჯრებისა და შუშის კედლების სრული წმენდა შიგნიდან და გარედან, მიუხედავად სიმაღლისა;

მუხლი 4. მოთხოვნები წყლით უზრუნველყოფისადმი

4.1. სკოლა-გიმნაზიას უნდა გააჩნდეს სასმელი და სამეურნეო დანიშნულების წყალმომარაგება, რომელიც უზრუნველყოფს უსაფრთხო და საკმარისი რაოდენობით წყლის მიწოდებას სასმელი და სამეურნეო მიზნებისთვის(ხელის დაბანა, საკვების მომზადება, ტუალეტების ჩარეცხვა, ოთახების დასუფთავება);

4.2. სასმელი დანიშნულების წყალი უნდა იყოს შეფასებული შესაბამისი კომპეტენტური სამსახურების მიერ სასმელად ვარგისიანობაზე, კანონმდებლობით დადგენილი წესით;

4.3. სამზარეულო, ბუფეტი და სანიტარული კვანძი უზრუნველყოფილი უნდა იყოს ცხელი წლის მომარაგებით;

4.4. წყლის რეზერვუარი საკმარისი მოცულობის თავდახურულ ავზს უნდა წარმოადგენდეს, რომელიც პერიოდულად გაიწმინდება და ჩაუტარდება დეზინფექცია(დეზინფექციის შემდგომ ავზს აუცილებლად უნდა გამოევლოს სუფთა წყალი);

4.5. სასმელი წყლით მოსწავლეთა უზრუნველყოფა დასაშვებია, როგორც წყლის დისპენსერების, ასევე წყლის შადრევნების გამოყენებით.



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

მუხლი 5. ნარჩენების გატანის პროცედურები

- 5.1. სკოლა-გიმნაზიის გარე ტერიტორია (ეზო)უნდა დასუფთავდეს საჭიროების მიხედვით ;
- 5.2. ყოველდღიურად უნდა განხორციელდეს მყარი ნარჩენების შეგროვება ოთახებში, სამზარეულოში, ადმინისტრაციულ და სხვა სათავსოებში და მოხდეს უსაფრთხო გატანა შენობიდან;
- 5.3. მოგროვებული ნარჩენი უნდა ჩაიყაროს ეზოში არსებულ თავსახურიან ნაგავშემკრებ კონტეინერებში;
- 5.4. ნაგავის კონტეინერი შენობიდან მოშორებით უნდა იყოს განთავსებული;
- 5.5. ნაგავის კონტეინერები უნდა დაიცლოს საჭიროების მიხედვით.

მუხლი 6. დასკვნითი დებულება

- 6.1. სკოლა-გიმნაზიის სანიტარულ-ჰიგიენური ნორმების დაცვის წესს ამტკიცებს დირექტორი ნორმატიული აქტით;
- 6.2. წინამდებარე წესში ცვლილებების და დამატებების განხორციელება შესაძლებელია დირექტორის მიერ გამოცემული ნორმატიული აქტით